



ԱՅՅԵԼՈՒԹՅՈՒՆ ՀՆԴԿԱՍՏԱՆ ԵՎ ԱՎԱՏՐԱԼԻԱ

Վեհափառ Հայրապետի կարգադրությամբ, 1965 թվականի դեկտեմբերի 17-ին, ուրբաթ, Հնդկաստան մեկնեց Վրաստանի հայոց թեմի առաջնորդ գերաշնորհ Ս. Կոմիտաս եպիսկոպոս Տեր-Ստեփանյանը, Հնդկաստանի և հեռավոր Արևելքի հայոց հայրապետական պատվիրակ գերաշնորհ Ս. Հայկազուն արքեպիսկոպոս Աբրահամյանի հետ, հանուն Մայր Աթոռ Ս. Էջմիածնի, մասնակցելու Քոտայամում Հնդիկ Մալաբար Եկեղեցու հոգևոր ճեմարանի 150-ամյակի հանդիսություններին:

Դեկտեմբերի 21-ին, երեքշաբթի, Մոսկվա—Դելի գծով Բոմբեյ է հասնում Ս. Կոմիտաս եպիսկոպոսը, ուր արդեն ժամանել էր Ս. Հայկազուն արքեպիսկոպոսը: Ս. Կոմիտաս եպիսկոպոսը դիմավորվում է Ս. Հայկազուն արքեպիսկոպոսի, Բոմբեյի հայոց հոգևոր հովիվ Ս. Վաղգեն քահանայի և եկեղեցական վարչության անդամների կողմից և առաջնորդվում հայոց եկեղեցին, ուր ողջունելով սակավաթիվ հայ հավատացյալներին, հաղորդում է Վեհափառ Հայրապետի ողջույններն ու օրհնությունները:

Դեկտեմբերի 22-ին, չորեքշաբթի, Ս. Հայկազուն արքեպիսկոպոսի նախագահության տակ և Ս. Կոմիտաս եպիսկոպոսի մասնակցությամբ, գումարվում է Բոմբեյի հայոց եկեղեցական վարչության նիստը, որին ներկա են լինում վարչության անդամներ տիկին Վարդուհի Բարսեղյանը (Բազիլ), տիկին

Երանուհի Լորդը, դուկտ. Արամ Եղիազարյանը և Հայկ Գալաճյանը: Ս. Կոմիտաս սրբազանը ժողովականներին փոխանցում է Վեհափառ Հայրապետի ողջույններն ու օրհնությունները և բարի լուրեր է հաղորդում Մայր Աթոռից և Նորին Ս. Օթոթյան գործունեությունից:

Դեկտեմբերի 25-ին, շաբաթ, եվրոպացիների Ս. Մենդյան տոնի առթիվ, Ս. Կոմիտաս եպիսկոպոսը պատարագում է Բոմբեյի Հայոց եկեղեցում և քարոզում օրվա մեծ տոնի նշանակության մասին, հաղորդելով նաև Հայոց Հայրապետի սիրո ողջույններն ու հայրական օրհնությունները թվով փոքր, բայց հոգով ջերմ այս համայնքի բոլոր անդամներին:

Նախորդ կիրակի, Բանին կենաց քարոզությամբ ժողովրդին մխիթարել էր նաև հայրապետական պատվիրակ Ս. Հայկազուն արքեպիսկոպոսը:

Երկու կիրակիներին մատուցված սուրբ պատարագների ընթացքում, ամբողջ գաղութը, մեծով ու փոքրով, հաղորդվում է: Բոմբեյում, ամեն կիրակի, պատարագում և քարոզում է տեղի հոգևոր հովիվ արժանապատիվ Ս. Վաղգեն քահանան, որն իր պաշտոնին և կոչման նվիրված հոգևորական է, սիրված իր ժողովրդից:

Դեկտեմբերի 25-ին, հետմիջօրեի ժամը 3-ին, Ս. Հայկազուն և Ս. Կոմիտաս սրբազանները ինքնաթիռով մեկնում են Քոչին—

Քոտայամ, Երեքթամյա թոշիքից հետո, Հայ Եկեղեցու պատգամավորությունը Քոշինի օղանավակայանում դիմավորվում է Մալաբար Եկեղեցու պաշտոնական մարմինների կողմից և ինքնաշարժով առաջնորդվում դեպի Քոտայամ, ուր տեղի են ունենալու հորեկյանական հանդիսությունները:

Քոշինում մեր պատգամավորությանն է միանում նաև Անթիլիասի միաբան գերաշնորհ Տ. Գարեգին եպիսկոպոս Սարգիսյանը:

Ժամը 7-ին պատգամավորությունը հասնում է Քոտայամ:

Դեկտեմբերի 26-ին, կիրակի, Քոտայամի հոգևոր ճեմարանի 150-ամյակին նվիրված հանդիսությանց առաջին օրն էլ ժամանել են քույր եկեղեցիների պատգամավորությունները:

Առաջին օրվա հանդիսությունն սկսվում է ճեմարանի մատան մեջ, սուրբ պատարագի մատուցմամբ: Պատարագիչն է վերատեսուչ Տ. Աթանասիոս եպիսկոպոսը: Հավարտ սուրբ պատարագի, հոգեհանգստյան պաշտոն է կատարվում ճեմարանի հիմնադիր Ժողեֆ Մար Դիոնեսիոսի գերեզմանի վրա: Հանգուցյալը եղել է նաև ամբողջ Քերալա նահանգի միտրոպոլիտը, վախճանված 1860 թվականի նոյեմբերի 25-ին:

Երեկոյան ժամը 4-ին, տեղի է ունենում հանգիսությանց շարունակությունը, ճեմարանի շրջափակում, մեծ տաղավարի տակ, ուր հանդես է գալիս ճեմարանի վերատեսուչ Տ. Աթանասիոս սրբազանը ճեմարանի դերին և պատմությանն նվիրված մեծ ճառով:

Հանդիսության նախագահում է Մալաբար Եկեղեցու Կաթողիկոս Նորին Սրբություն Բասիլիոս Եվգենիոս Ա-ը:

Պետական, պաշտոնական անձանց ողջույնի խոսքերից հետո, առաջինը ելույթ է ունենում գերաշնորհ Տ. Հայկազուն արքեպիսկոպոս Աբրահամյանը հանուն Հայ Եկեղեցու և Մայր Աթոռ Ս. Էջմիածնի, անգլերեն լեզվով: Սրբազանը հաղորդում է նախ Հայոց Հայրապետի ողջույններն ու խնդակցությունը հոգևոր ճեմարանի 150-ամյակի առթիվ և շեշտում է հոգևոր դպրեմականների դերը Եկեղեցու կյանքի ամրապնդման և գործունեության ասպարեզում, նշելով միաժամանակ Հայ և Հնդկի Մալաբար եկեղեցիների ճակատագրի նույնությունը անցյալ դարերում, մարտիրոսագրությունը՝ հանուն Քրիստոսի կրոնի և այսօրվա հոգևոր եղբայրակցության և համագործակցության անհրաժեշտությունը՝ ի փառս Ս. Ավետարանի:

Դեկտեմբերի 27-ին, երկուշաբթի, ճեմարանի մատան մեջ, մատուցվում է հայկա-

կան սուրբ պատարագ: Պատարագիչն է գերաշնորհ Տ. Հայկազուն արքեպիսկոպոսը: Սարկավագի բաժինը կատարում է Տ. Գարեգին եպիսկոպոսը, իսկ պատարագի Կոմիտասյան երգեցողությունը կատարում է Տ. Կոմիտաս եպիսկոպոսը: Մաղրասի հայոց եկեղեցու պահակ Ժորժ Գևորգյանը խնկարկում է: Հայոց պատարագին ներկա են բոլոր հոգևորականները, ճեմարանի դասախոսական կազմը, ուսանողությունը, քույր եկեղեցիների պատգամավորները: Մալաբար հոգևորականներից ոմանք հաղորդվում են: Ծիսական տեսակետից Հայ և Մալաբար եկեղեցիների միջև չկա ոչ մի տարբերություն:

Սուրբ պատարագից հետո, տեղի է ունենում դասախոսություն «Երիտասարդությունը և Եկեղեցին» նյութի շուրջ: Այս թեմայի շուրջ ելույթ է ունենում նաև Տ. Գարեգին եպիսկոպոսը:

Կեսօրից հետո, պատգամավորներն ընդունվում են Նորին Սրբություն Բասիլիոս Եվգենիոս Ա Կաթողիկոսի կողմից: Առաջինը ընդունվում են Հայ Եկեղեցու պատգամավորները՝ հանձնին Տ. Հայկազուն և Տ. Կոմիտաս սրբազանների, որոնք Հայոց Հայրապետի եղբայրական ողջույններն ու բարեմաղթությունները ներկայացնելուց հետո, Նորին Սրբությանը հանձնում են Ամենայն Հայոց Կաթողիկոսի նվերները՝ գեղեցկահյուս արծաթյա ոսկեջրած սկիհ և հայրապետական արծվեգորգ:

Ժամը 7-ին, ճեմարանի ուսանողությունը, ի պատիվ պատգամավորների, ներկայացնում է «Քրիստոսի մատնությունը և Հուդայի վախճանը» փոքր թատերգությունը:

Դեկտեմբերի 28-ին, երեքշաբթի առավոտյան, Հայ Եկեղեցու պատգամավորությունը ծանոթանում է Քոտայամի պատմական եկեղեցիներին և տեսարժան վայրերին:

Հետմիջօրեի ժամը 2-ին, Կաթողիկոսի նախագահությամբ, քաղաքում պատրաստված մի ընդարձակ տաղավարի տակ, կատարվում է հրապարակայնորեն, ժողովրդի քվեներով, մալաբար հինգ եպիսկոպոսացուների թեկնածության առաջադրությունը: Հանուն Հայոց Հայրապետի, ելույթ է ունենում Տ. Կոմիտաս եպիսկոպոսը, որը ողջունում է սույն ժողովրդական հավաքույթը, Հայ Եկեղեցու խնդակցությունն ու բարեմաղթությունը բերելով Մալաբար Քույր Եկեղեցու բարգավաճման և պայծառության աշխատանքներին:

Դեկտեմբերի 29-ին, չորեքշաբթի, ճեմարանին կից մեծ տաղավարի ներքո մատուցվում է սուրբ պատարագ, ուսական ծեսով: Պատարագիչն էր գերաշնորհ Տ. Ա-



Գևորգյան Ս. Կոմիտաս եպիսկոպոսը Սիդնիում, Ռայոց եկեղեցու օծումից հետո:

լեքսի արքեպիսկոպոսը, Ռուս Եկեղեցու պատգամավորության ղեկավարը:

Ժամը 10-ին, կարդացվում է երկրորդ դասախոսությունը՝ «Աստվածաբանության ուսուցումը և Եկեղեցին» թեմայով:

Դեկտեմբերի 30-ին, հինգշաբթի, հորելյանական հանդիսությանը վերջին օրն է: Հանդիսավոր սուրբ պատարագ է մատուցում Նորին Սրբություն Բասիլիոս Եվդիմեոս Ա Կաթողիկոսը, բացօթյա, մեծ տաղավարի տակ, ի ներկայության բույր եկեղեցիների պատգամավորների և պաշտոնական անձանց: Հավարտ սուրբ պատարագի, եկեղեցական թափոն առաջնորդվում է ղեպի նոր ճեմարանի շենքի հողամասը, որի հիմնաքարը օրհնել է Ամենայն Հայոց Վեհափառ Հայրապետը 1963 թվականի նոյեմբերին, երբ այցելել էր Քոստայամ: Մարմարյա հուշատախտակի վրա գրվել էր. «Սույն հիմնաքարը զետեղեց Նորին Ս. Օծություն Ս. Ս. Վազգեն Ա Խաթողիկոս Ամենայն Հայոց, 1963 թվականի նոյեմբերին»:

Ճեմարանի նոր շենքի հիմնարկի օրհնությունից հետո, բոլոր ներկաների մասնակցությամբ, փորվում է շենքի հիմքը:

Ժամը 2-ին, տեղի է ունենում վերջին հանդիսավոր նիստը, նվիրված էկումենիկ

շարժման: Այլ ելույթ ունեցողների թվում, Հայ Եկեղեցու պատգամավորներն ևս մասնակցում են ղրույցին: Ս. Կոմիտաս եպիսկոպոսը երգում է «Ուրախ լեր» շարականը, Ս. Հայկազուն արքեպիսկոպոսը հանդես է գալիս ճառով, շեշտելով էկումենիկ շարժման կարևորությունը, քրիստոնեական եղբայրության և ավետարանական սիրո հասկացողության մեջ:

Երեկոյան ժամը 4-ին, ճեմարանի այգում տրված թեյասեղանի ժամանակ, Նորին Սրբություն Վասիլիոս Եվդիմեոս Ա Կաթողիկոսը փակում է ճեմարանի 150-ամյակի հանդիսությունը՝ բոլոր ներկաներին ուղղված շնորհակալության ջերմ խոսքերով և աղոթքով:

Բոլոր ներկաները, միարան, իրենց ազգային լեզուներով, երգում են «Հայր մեր»-ը:

Դեկտեմբերի 31-ին, ուրբաթ, առավոտյան ժամը 10-ին, Հայ Եկեղեցու պատգամավորությունը հրաժեշտ է առնում Նորին Սրբությունից, բարձրաստիճան մալաբար հողերականներից, ճեմարանի դասախոսական կազմից և ուսանողությունից ու մեկնում Քոչին:

1966 թվականի հունվարի 1-ին, շաբաթ, հետմիջօրեի ժամը 2-ին, մեր պատգամա-

վորեն հասնում են Մադրաս և դիմավորվում տեղի տեղիկին Ջ. Գրիգորյանների կողմից և առաջնորդվում հայոց եկեղեցի, ուր հաղորդվում են Մադրասում ապրող 4 հայերու Ապա հոգեւոյս Տ. Հարություն քահանա Շմավոնյանի՝ առաջին հայ պարբերականի հիմնադրի գերեզմանի և եկեղեցու բակում թաղված բոլոր ննջեցյալների վրա կատարում են հոգեհանգիստ:

Հունվարի 2-ին, կիրակի, Տ. Հայկազուն և Տ. Կոմիտաս սրբազանները ժամանում են Կալկաթա և առաջնորդվում «Հրաշափառ»-ով հայոց եկեղեցի, ուր Տ. Կոմիտաս եպիսկոպոսը հաղորդում է Ամենայն Հայոց Վեհափառ Հայրապետի ողջույններն ու օրհնությունները Կալկաթայի հայոց եկեղեցական վարչության և պատվական համայնքի անդամներին:

Հունվարի 6-ին, հինգշաբթի, Կալկաթայի հայոց եկեղեցում, Տ. Կոմիտաս եպիսկոպոսը հանդիսավոր սուրբ պատարագ է մատուցում Փրկչի Ս. Ծննդյան տոնի առթիվ և Բանին կենաց քարոզությանը մխիթարում հավատացյալներին:

Հունվարի 19—24-ին, Տ. Հայկազուն և Տ. Կոմիտաս սրբազանները թեմական այցելություն են կատարում Զինսուրայի, Սաիդարադի, Ասանսուլի, Բրընպուրի, Դանրագի և Զալդայի հայ եկեղեցիներին և համայնքներին, սուրբ պատարագի մատուցմամբ, քարոզով, եկեղեցական արարողություններով և տնօրհնեքով մխիթարում հավատացյալներին, հաղորդելով Ամենայն Հայոց Վեհափառ Հայրապետի ողջույններն ու օրհնությունները:

Տ. Կոմիտաս եպիսկոպոսի Կալկաթայում գտնված օրերին, հայրապետական պատվիրակ գերաշնորհ Տ. Հայկազուն արքեպիսկոպոսի նախագահության տակ և Տ. Կոմիտաս եպիսկոպոսի մասնակցությամբ, գումարվում է Կալկաթայի հայոց եկեղեցական վարչության նիստ, որին մասնակցում են վարչության բոլոր անդամները, այդ թվում Կարո Մարտինը, Հովհաննես Միքայելյանը, Հայկ Նաճարյանը, Նևտոն Բարսեղյանը, Սամ Ավետիքյանը, Հովսեփ Արաթունը և այլ պաշտոնական անձինք:

Տ. Կոմիտաս սրբազանը վարչության անդամներին հաղորդում է Ամենայն Հայոց Վեհափառ Հայրապետի ողջույններն ու օրհնությունները և բարի լուրեր Մայր Աթոռից և Վեհափառ Հայրապետի տասնամյա գործունեության եկեղեցականներ, ազգագույն ձեռնարկների մասին:

Տ. Կոմիտաս եպիսկոպոսը այցելում է նաև Կալկաթայի հայոց Մարգասիրական

ճեմարանը, տեսուչ պր. Վահան Փուլատյանին, դասախոսական կազմին և աշակերտության փոխանցելու Հայոց Հայրապետի սիրո ողջույններն ու օրհնությունները:

Տ. Կոմիտաս եպիսկոպոսը այցելում է նաև Դավթյան օրիորդաց վարժարանը:

Կալկաթայի Մարգասիրական ճեմարանը և Դավթյան օրիորդաց վարժարանը լավագույն հուշեր են պահում 1963 թվականի դեկտեմբերից, երբ Ամենայն Հայոց Վեհափառ Հայրապետը հովվապետական այցելություն տվեց ճեմարանին:

Փետրվարի 5-ին, շաբաթ, Տ. Կոմիտաս սրբազանը մեկնում է Ավստրալիա՝ հովվական այցելության:

Փետրվարի 6-ին, կիրակի, սրբազանը ժամանում է Սիդնի, ուր դիմավորվում է արժանապատիվ Տ. Արամայիս ավագ քահանա Միրզայանի, եկեղեցական վարչության անդամների և բազմաթիվ հայերի կողմից ու առաջնորդվում հայոց եկեղեցի, ուր մուտք է գործում «Հրաշափառ»-ով ու հաղորդում Ամենայն Հայոց Վեհափառ Հայրապետի ողջույններն ու օրհնությունները:

Ավստրալիայում ապրում են շուրջ 7 000—8 000 հայեր, Գաղութը մեծանում է 1961 թվականից սկսած Եգիպտոսից, Պարսկաստանից, Լիբանանից, Սիրիայից, Պաղեստինից, Կիպրոսից և այլ վայրերից գաղթած հայերով:

Հայությունը հիմնականում կենտրոնացել է Սիդնիում և Մելբուռնում:

Սիդնիում ապրում է շուրջ 4 000—5 000 հայություն, Վերջերս գաղութը օժտվեց նոր գնված հայկական մի եկեղեցիով: Գաղութի ազգային-եկեղեցական կյանքի կենտրոնը եկեղեցին է հանդիսանում, որի արժանավոր հոգևոր հովիվն է Տ. Արամայիս ավագ քահանա Միրզայանը՝ պատրաստված, լուրջ և իր կոչման բարձրության վրա գտնվող մի հոգևորական:

Գաղութն ունի իր ընտրովի եկեղեցական վարչությունը, որի անդամներն են արժանապատիվ Տ. Արամայիս ավագ քահանա Միրզայանը (նախագահ), սլաոնայք Վահան Հարությունյանը (ատենապետ), Լևոն Շյոմեմելյանը, Կոստանդ Տեր-Ստեփանյանը, Վիլի էլիսը, Գուլի Էդգարը, Մինաս Արզարը և Հակոբ Գութույանը:

Սիդնիի հայ գաղութի սլաոնական անդամներից է պր. Ա. Ակինյանը, որ նախկին վարչության ատենապետն էր: Պր. Ակինյանը արդարորեն կոչված է «գաղութի հայր»՝ եկեղեցականներ իր գործունեության համար: Նա իր բարոյական հեղինակությամբ օգտակար

է լինում Տ. Կոմիտաս եպիսկոպոսի հովիտական այցելության հաջողության համար:

Սիդնիի հայոց եկեղեցին ունի երկու սրահներ, որոնք օգտագործվում են հավաքույթների և կիրակնօրյա դպրոցի համար, որը նոր է կազմակերպվում: Գաղութը տնտեսապես ինքնարավ է: Հայերն զբաղվում են առևտրով, արհեստներով և բանվորությամբ: Գաղութում գործում են մի շարք մշակութային, մարզական և երիտասարդական կազմակերպություններ:

Փետրվարի 27-ին, Տ. Կոմիտաս սրբազանը կատարում է Սիդնիի հայոց նոր եկեղեցու օծման հանդիսությունը, բացառիկ խանդավառ և ջերմ մթնոլորտում: Սրբազանը իր օարոգում հաղորդում է Ամենայն Հայոց Հայրապետի ողջույնները և խոսում է Հայ եկեղեցու ազգապահպանման մեծ դերի մասին:

Փետրվարի 18-ին, Տ. Կոմիտաս սրբազանն այցելում է նաև Մելբուռն, ուր ապրում են 300 հայ ընտանիքներ, շուրջ 1 500—2 000 հոգի: Մելբուռնում կա հայկական եկեղեցի, որի հովիվն է հոգեշնորհ Տ. Ոսկան արքեպիսկոպոսը, երիտասարդ, խոստումնալից մի հոգևորական, լցված աշխատանքի ձեռնդրով և հեռավոր այդ ափերի վրա գտնվող հայ ժողովրդի բեկորներին օգտակար լինելու ազնիվ ցանկությամբ:

Փետրվարի 20-ին, Տ. Կոմիտաս սրբազանը քարոզում է և պատարագում Մելբուռնի հայոց եկեղեցում, հաղորդելով Ամենայն Հայոց Վեհափառ Հայրապետի ողջույններն

ու օրհնությունները իր հավատացյալ զավակներին:

Մելբուռնի հայոց եկեղեցին գնվել է երեք տարի առաջ. ունի երիցատուն և ընդարձակ հողամաս, որի վրա ծրագրվել է կառուցել հայկական մեծ սրահ՝ հավաքույթների համար և դասարաններ՝ կիրակնօրյա դպրոցի կարիքների համար: Եկեղեցու հողամասը կունենա նաև իր խաղավայրը:

Մելբուռնի հայերը նույնպես զբաղվում են առևտրով, արհեստներով և բանվորությամբ:

Մելբուռնի հայկական գաղութն ունի իր եկեղեցական վարչությունը, որի անդամներն են հոգեշնորհ Տ. Ոսկան արքեպիսկոպոսը (նախագահ), պարոնայք Նադարեթ Գարակյոզյանը (ատենապետ), Կարապետ Կայծքարը, Ներսես Գանգաշյանը, Ջորջ Կայծքարը, Բյուզանդ Քեշիշյանը, Խորեն Ակինյանը և Կարապետ Նիկոլյանը: Գաղութն ունի նաև տիկնանց, մշակութային և երիտասարդական կազմակերպություններ, մանավանդ Ադելաիդ, Դարվին և այլ բաղաբներում:

Ավստրալիայի այլ բաղաբներում ևս ապրում են շուրջ 30 հայ ընտանիքներ:

Փետրվարի 22-ին, Տ. Կոմիտաս սրբազանը Մելբուռնի հովվական այցելությունից վերադառնում է Սիդնի, ուր հայ եկեղեցու օծումը կատարելուց և իր հրաժեշտի պատարագը մատուցելուց հետո, լավագույն տպավորություններով և հուշերով մարտի 10-ին, հինգշաբթի, Կալկաթա—Մոսկվա ճանապարհով ժամանում է Մայր Աթոռ:

